

lgol Sesogolial Inoi nisgameoilijel ag geseoli aptagatg ogoamlamonigtog oatjoi elitasitjel ogtining. Na telgig patlias oetmitetemolôg tesiôg alasotmeoinolitiôg gigtjio oigtjitj peplemg nganigoôm, ogtjit tan tel-pitagteteo pilei neogtipongeg.

Ansema oatjoi oleg mimatjoi no tan getjitôg lami gsaltjel petjili gsagosilitjel, tôgo na elpa telgig ignemagoet tan tllisip getleoeigtog getoi logôoatjel ag mo pa getoi elistoagol, tlia telamog môgoe gisi nemitog ogtininitog, paseg eta getlamsetasitj.

#### AGNOTEMAGANTJITJEL

*GESGAPEGIAG* — noleoimgeoei tepg. 12 tes.—Maoi alasotnamges ag geginamatinges, mesgig alames elitasigsep otjit Anni Sataio tanag nepgepenag oagmetgog nepgigeoei tepg. 21 tesogoniteg, soel 25 tesiponatag; eoletjitag epitjitjag môgoe telitelmat onsanôgônigtog o-timen ag môgoe gisi nemiagol patliasel. Na alames Nastasi Selôm ignemoatj. Ap tapositjig mitjoatjitjg oetji npegig laglipigtog, otogatagantjitjemoôo elapatasigsep olago. Elp lôg gesinogoat Pilip Maltan oigmatja, gisi ignemos gespi malmtingeol ag minoi gemnieois pemi alasotnamges; ngotei gemnieoalos oig Aplam otepitema ag Toma Pernal ototjitja. Na esgoiatitjig oelegig, oeli pigoelgig tjinemog nipogtog elogotitjig ag oeli apangitotjig. Nin A. M.

*SPLINILG*—noel 4, 1918—Tjinemog oetji npegig oisgesoagan ag tapositjig mitjoatjitjg teloisitjig Sôsep Loi Pôl ogoitjitjel Antoen Tjô Pôl na negmôo agtôplô nepgig; sgentog Sôsep Tjan Pôl nepg nopempel 23, na osalitem elogoasig nige agentieoimga. Nin M. L.

*SPLINILG* — noel. 12 tes.—gisi logoatemeg osalitemeg negla tjinemag teloisitag Tjô Pal Tjan Palôg ogoisa piogtog tleia, gato ogoitja tleia listogotjga Sosan Tômnig teloisitag. Gato oeli gagietag tjinemag mesnegeg oeli gespi nimamgeoeieg ag patlias gisi otgotalata, gato môgoe gôgoei soel nagtemog tan netoisgasiga, gato oeltesgeg osalitemeg \$13. eolitelmati-

ta mimatjoi noga, tegeletjieg paseg 7 tesieg. Nige elgitemeg listogotjga \$12 otjit otapôgônemasotim, metagisi na notjinen ignemoteg nanaigel otjit otgotaltinga. Nin M.L.

*LISTOGOTJG*—noel. 15 tes.—Olago nepgepenag Malgelit Gonteoôg, Piel Soasen oigmatja, oisgipegag, môgoe tali psinogoagoag, ag mogoe gisi nemiagol patliasel; sepei otgotalotag; 45 tetotjegag. Elp nepgag sepei Noel Paliô; negem môgoe gisi oetjitasitnog tan tetotjegag. Alasotmelseoanetj.

*PAGTENGE*—noel 6—Oisgesoagentjitjieg igageneg notantjitjeminag, tûgo neoitjig elmalotgig, neotetjitjag, Pelsit Masel teloisitag, metlasiponatag, gisi, piltoi gemnieoitag nipen pôtloteg, oeli mitjoatjitjeoitag negao migoitelmata Genisgaminala. Notaio pa gagelamitag, golaman gelolgeg tan teli mseneg, notjinen patlias pegisingep, tôgo gisi gemnieoalata ag gisi logôoata teli msengeg tan teli mseneg oen elmiety Gisolgoigtog. Na otjel Egian apoatjel Inoi patlias nanagigel otjit otapôgônemasotim.

*POGOMGEG*—noel 1—Ngotei Loi Sillipai nanagigel elgitgel otjit ototjitjag Sahnôtjijô otapôgônemasotim, paseg eloigeneg tesiponatag.

*TEOOPSGIG*—nepg. tepg. 25 tes.—Lnog oesoalgotis laglip, gatto nige lôg ilitatjig, paseg Tjô Pernal ototjitjel pesgonateg tetotjeg na patlias gisi ignemoatj gespi mimamgeoei. Milteng lnog elp gesnogotipenig, nige ilitatjig môgoe oen oetji taleiog, tjel nige ola agentieoimg 24 tes. Alames mesneme mset Inoieg ag mitjoatjitjg gisi pagapogoatitjig ag gemnieoti gagi msenemeg, ag lôg moioatemeg. Oinselg elt lnog gesinogotitjig notemang na tasitjig oetji npegig. Pli-tjoatelg elp gesino gotitjig, Toti Lapetôl nepg ag Tjan Lapetôl oigmatja. Nin A. J.

Gisigog tanig oini osgoimatitjel patliasel onitjanoa oplaganoag telegig is tagetj igatago tan segoisgatog ag gagi nogoatog ellotagan otigatagan emigtog; ma nogo nagalattjig oaisig natji gsepatotitjig oetjimanigel.